

STATUT

I SHOQERISE TREGTARE ME PERGJEGJESI TE KUFIZUAR

“EXPRESS ALB 24 sh.p.k ”

(Hartuar ne baze te Ligjit Nr. 9901 date 14.04.2008,“Per Tregtaret dhe Shoqerite Tregtare”).

NENI 1

Emertimi dhe Forma e Shoqërisë

- 1.1 Sot me dt **11/08/2021**, “**Express Alb 24**” Sh.p.k themelohet në formën e nje shoqerie me pergjegjesi te kufizuar dhe aktiviteti i kesaj shoqerie do te rregullohet nga ky Statut dhe nga ligji
“Per tregtaret dhe shoqerite tregtare”.
- 1.2. Emërtimi “**Express Alb 24** ” Sh.p.k dhe emri i administratorit do të figurojnë në të gjitha aktet ose dokumentet e nxjerra nga shoqëria dhe që u drejtohen të tretëve.
- 1.3. Shoqëria “**Express Alb 24** ” Sh.p.k e fiton personalitetin e saj juridik nga dita e rregjistrimit te saj ne Qendren Kombetare te Biznesit.

NENI 2

Dokumentat Rregullues

- 2.1. Dokumenti kryesor mbi të cilin bazohet aktiviteti i Shoqërisë “**Express Alb 24** ” Sh.p.k është Statuti i saj. Me ane te ketij Statuti dhe ne perputhje me Aktin e Themelimit dhe me legjislacionin shqiptar, rregullohet pozita juridike e Ortakëve dhe punonjesve te Shoqerise, organizimi dhe objekti i veprimtarise se Shoqerise dhe çështjet e tjera me rëndësi për aktivitetin e saj.
- 2.2 Per çështjet qe nuk zgjidhen nga Statuti, Asambleja e Ortakëve mund të miratojë një Rregullore të Veçantë.
- 2.3. Statuti dhe Rregullorja e Veçantë janë dokumenta të hapura për ndryshime dhe përmirësime që zhvillimet i bëjnë të nevojshme.

NENI 3

Ortakët

- 2.1 Ortakët e shoqërise “**Express Alb 24** ” Sh.p.k ” jane

1. **Klajd Mulhaxhia** person me shtetesi shqiptare , i datelindjes 07/08/1986 , mbajtes i kartes se identitetit me **nr ID I60807051B**
2. **Bledar Sulejmani** person me shtetesi shqiptare i datelindjes 21/04/1976, mbajtes i kartes se identitetit me nr **H60421195J**
3. **Ervin Shameti** person me shtetesi shqiptare i datelindjes 25/09/1993 mbajtes i kartes se identitetit me **nr J30925041Q**
4. **Florinda Luma** person me shtetesi shqiptare e datelindjes 10/02/1973, mbajtes e kartes se identitetit me **nr H35210095 S**

NENI 4 SELIA

4.1. Shoqëria " **Express Alb 24** " Sh.p.k e ka seline e saj ne adresen: Rruga Dibres, zona kadastrale 8370, me nr pasurie 4/126-ND ,Tirane

Shoqëria vepron si person juridik shqiptar dhe si e tillë mund te kryeje aktivitetin e saj ne te gjithe territorin e Republikës se Shqipërisë ose jashte saj, nepermjet filialeve, degeve, zyrave te perfaqesimit ose agjensite e saj, te cilat jane krijuar me vendim të Asamblesë së Ortakëve të Shoqërisë.

4.2.Asambleja e Ortakëve mund të transferojë Selinë e Shoqërisë brenda teritorit te Shqipërisë.

NENI 5 Kohezgjatja

5.1. Shoqëria do te kryeje aktivitetin e saj per nje periudhe kohe te pacaktuar .

NENI 6 Administratori

6.1.Administratori i shoqërisë do te jete **Klajd Mulhaxhia me nr Id I 60807051 B**

NENI 7 Objekti i veprimtarisë së Shoqërisë

7.1. Shoqëria " **Express Alb 24** " Sh.P.K ushtron veprimtarinë e saj me qëllim realizimin e fitimit, duke u mbështetur në parimet e likuiditetit, sigurisë dhe rentabilitetit, sipas rregullave të parashikuara nga legjislati shqiptar.

7.2. Veprimtaria e Shoqërisë " **Express Alb 24** " Sh.p.k, do të ketë për objekt

Tregti te produkteve te ndryshme industriale. Sherbime postare. Kryerja e transporteve kombetare dhe nderkombetare te mallrave te veta dhe per llogari te te treteve. Te gjitha veprimtarite dhe sherbimet e tjera ne fushen e transporti, tregtare, financiare, ekonomike dhe te ndryshme te cilat nuk bien ne kundërshtim me kushtetuten dhe ligjet e Republikës se Shqipërisë.

1-Veprimtari e agjentit per transfert parash ne emer dhe per llogari te nje subjekti financiar jobanke. 2-Veprimtari e agjentit per sherbimin e pagesave per te trete ne emer dhe per llogari te nje subjekti financiar jobanke.

3-Veprimtari e agjentit komisioner

Programe per klinika dhe spitale. Programe logjistike dhe distribucioni. Platforma financiare. Website, Mobile App Android dhe IOS, Web App, Portale, Forume, Database, Ecommerce, Bussnies Marketing, Softwer Development, Sistem GPS, Paisje GPS, GIS, Suport Teknik, Mirembajtje Web, Mirembajtje Softwer, Host Srever, Domain, VPS, Erp Softwer, Mobile App development IOS. Mobile App Development Android, server i dedikuar, server VPS, server Shared.

7.3. Shoqëria " **Ekspress Alb 24** " Sh.p.k mund te kryeje cdo lloj veprimtarie tjetër që është në përputhje me legjislati shqiptar dhe që siguron fitime dhe të ardhura të ligjshme brenda kufijve të parashikuar nga legjislati në fuqi, mund të kryejë cdo operacion prodhimi, tregtar dhe financiar, që lidhet drejtpërdrejtë ose tërthorazi me objektin e saj. Kjo përfshin gjithashtu hapjen e veprimtarive dhe krijimin e shoqërive të tjera brenda dhe jashtë vendit

7.4. Shoqëria, me vendim të Administratorit, mund të lidhë marrëveshje tregtare apo bashkëpunimi me shoqëri apo sipërmarrje të tjera, si dhe të kryejë cdo veprim tregtar që konsiderohet i nevojshëm me qëllim arritjen e objektit të veprimtarisë së saj.

7.5. Shoqëria mund të ndryshojë objektin e veprimtarisë së saj dhe emërtimin me vendim të Asamblese se ortakeve ,në përputhje me legjislacionin dhe rregjistrohet në QKB-se dhe në Organet Tatimore.

7.6. Shoqëria "**Express Alb 24** " Sh.p.k do të ushtroje veprimtarine per ato aktivitete qe kerkojne marrjen e licensave dhe lejeve perkatese vetem pas marrjes se tyre nga organet dhe strukturat e caktuara nga ligji.

Shoqëria "**Express Alb 24** " Sh.p.k do të ushtroje veprimtarine në përmbushje të objektit të veprimtarisë së saj, duke zbatuar të gjithë ligjet dhe aktet nënligjore rregullues në lidhje me liçensimin, kushtet, procedurat dhe afatet e kërkuar.

Gjatë kohëzgjatjes së aktivitetit të saj Shoqëria "**Express Alb 24** " Sh.p.k zbaton standartet më të larta të etikës profesionale dhe zbatimit të ligjshmërisë.

II. KAPITALI THEMELTAR, KONTRIBUTET, PJESET E KAPITALIT THEMELTAR

NENI 8

Kapitali themeltar

8.1. Kapitali themeltar i shoqerise "**Express Alb 24** " Sh.p.k eshte 100.000 (njqindemije) Leke.

8.2. Kapitali i shoqerise eshte 100.000 (njqindemije) Leke dhe eshte i ndare ne **4 (kater) kuota**

1. **Ortaku Klajd Mulhaxhia zoteron 25 % te kapitalit themeltar (1 kuota)**
2. **Ortaku Bledar Sulejmani zoteron 25 % te kapitalit themeltar (1 kuota)**
3. **Ortaku Ervin Shameti zoteron 25 % te kapitalit themeltar (1 kuota)**
4. **Otaku Florinda Luma zotron 25% te kapitalit themeltar (1 kuota)**

8.3. Çdo pjese e kapitalit themeltar i jep te drejten e nje vote zoteruesit te saj.

8.4. Ortaku i Shoqerise "**Express Alb 24** " Sh.p.k pergjigjet per detyrimet ndaj te treteve deri ne vleren e kontributit te tyre ne formimin e Kapitalit Themeltar të Shoqerise.

NENI 9

Transferimi

9.1. Pjeset e kapitalit mund të transferohen lirisht ndërmjet ortakeve.

9.2. Transferimi i pjeseve te kapitalit tek persona te trete qe nuk bejne pjese ne Shoqeri iu nenshtrohet ketyre rregullave:

a) Transferuesi ose Ortaku transferues, duhet të njoftojë Ortaket e tjere për numrin e pjesëve që do të transferohen, çmimin e shitjes në rast shitjeje, si dhe emrin, mbiemrin dhe adresën e personit të cilit mendon t'i transferohen pjesët.

b) Transferimi duhet të miratohet nga Ortaket e tjere brenda 3 muajve nga dita e njoftimit. Në rast se Ortaket nuk e kanë bërë të ditur vendimin e tyre brenda afatit 3 muajor miratimi quhet i dhënë.

c) Në rast se Ortaket refuzojnë transferimin, brenda 3 muajve nga data e refuzimit, atëherë ata duhet t'i blejnë pjesët e propozuara për transferim. Çmimi i shitjes është vlera kontabel e pjesëve.

d) Në rast se Ortaku nuk është i interesuar të blejë pjesët, atëherë Ortaket e Shoqërisë do të bien dakort nëse:

1. pjesët do të shiten personit të propozuar nga Ortaku transferues me çmimin e rene dakort midis tyre;

2. pjesët do të shiten një personi tjetër të tretë me çmimin e rene dakort me këtë person, por jo më pak se vlera kontabel e tyre;

3. pjesët do të blihen nga Shoqëria për tu anuluar, në kuadrin e një zvogelimi kapitali, në përputhje me ligjin "Për tregtarët dhe shoqëritë tregtare".

9.3. Pjesët e Kapitalit Themeltar janë lirisht të transferueshme në rruge trashëgimie, në rast ndarjeje pasurie ndërmjet bashkeshortëve, si dhe ndërmjet paraardhësve dhe pasardhësve.

9.4. Asambleja e Ortakëve mund të vendosë që bashkëshorti, trashëgimtari, paraardhësi ose pasardhësi të bëhen ortakë, nëpërmjet transferimit të pjesëve të kapitalit themeltar, vetëm pasi të jetë miratuar nga Asambleja sipas kushteve që caktojnë Ortaket. Kushtet për ortakun e ri nuk mund të jenë më pak të favorshme se ato të caktuara për të tretët për rastet e transferimit të pjesëve të kapitalit themeltar, përndryshe Vendimi i Asamblesë është i pavlefshëm.

9.5. Transferimi i pjesëve të kapitalit themeltar, në çdo rast, duhet të vertetohet me akt noterial.

NENI 10 **Zmadhimi i Kapitalit**

10.1. Kapitali themeltar mund të zmadhohet me vendim të ortakut, në përputhje me ligjin "Për tregtarët dhe shoqëritë tregtare", në bazë të raportit të Administratorit të Shoqërisë.

10.2. Zmadhimi i kapitalit mund të kryhet me ane të kontributeve të reja në para, me ane të kontributeve në natyrë ose me përfshirjen e rezervave dhe fitimit si pjesë të Kapitalit Themeltar.

10.3. Në rast zmadhimi të kapitalit me ane të kontributeve në para, të gjitha pjesët e reja të Kapitalit duhet të nënshkruhen dhe të shlyhen teresisht nga Ortaku. Ato duhet të depozitohen nga nënshkruësit në Bankë për llogari të Shoqërisë "**Express Alb**" Sh.p.k.

NENI 11 **Zvogelimi**

11.1. Zvogelimi i kapitalit mund të kryhet me vendim të ortakut, në përputhje me ligjin "Për tregtarët dhe shoqëritë tregtare".

11.2. Zvogelimi i prek Ortaket në të njëjtën masë ndaj pjesëve të kapitalit që ata zotërojnë.

III. MARRJA E VENDIMEVE , ADMINISTRIMI, DHE KONTROLLI I SHOQERISE

NENI 12 Organet drejtuese

12.1. Organet drejtuese të Shoqërisë "Express Alb 24 " Sh.p.k. janë:

- a) Asambleja e Ortakëve në të cilën marrin pjesë Ortaku i Shoqërisë ose përfaqësuesit e tyre të pajisur me prokurë të veçantë; dhe
- b) Administratori.

NENI 13 Asambleja e Ortakeve dhe konsultimet ndermjet Ortakeve

13.1. Vendimet merren nga Asambleja e Ortakeve. Asambleja e Ortakeve merr vendime për çeshtjet që ligji apo ky statut ia rezervon këtij organi, si dhe për çeshtjet për të cilat, Administratori kërkon mendimin apo miratimin e Asamblesë së Ortakëve.

13.2. Vendimet e Asamblesë së Ortakëve merren me shkrim dhe regjistrohen në një regjister të posaçëm të mbajtur pranë selisë së Shoqërisë "Express Alb 24 " Sh.p.k.

13.3. Përveç rasteve të miratimit të llogarive vjetore si dhe ndryshimeve të Statutit, Asambleja mund të marrë vendime edhe me anë të konsultimit me shkrim të ortakeve. Administratori ka të drejtën e zgjedhjes së formës së marrjes së vendimit ndërmjet mbledhjes së Asamblesë ose konsultimit me shkrim.

13.4. Çdo mbledhje e Asamblesë e thirrur në mënyrë të parregullt, si dhe çdo konsultim me shkrim i kryer në mënyrë të parregullt, mund të anulohet. Megjithatë anulimi nuk ka vlerë, në rast se të gjithë ortakët kanë qenë të pranishëm ose të përfaqësuar si dhe kanë miratuar projektvendimin e propozuar.

NENI 14 Marrja e vendimeve

14.1. Çdo ortak, pavarësisht nga numri i kuotave të kapitalit që zotëron, ka të drejtë të marrë pjesë në mbledhjet dhe në vendimet e asamblese dhe disponon një numër votash të barabartë me kuotat e kapitalit themeltar që ai zotëron.

14.2. Kur Asambleja e Ortakëve është thirrur për të marrë një vendim për një marrëveshje midis Shoqërisë dhe Ortakut, ky i fundit nuk mund të marrë pjesë në votim dhe vendimi merret nga Ortaku ose Ortakët e tjerë të Shoqërisë.

14.3. Çdo ortak ka të drejtë të përfaqësohet në këto mbledhje nga një ortak tjetër ose nga një mandatar i cili mund të votojë në emër të atij që përfaqëson. Mandati i përfaqësimit nuk mund të jetë i përhershëm, por jepet vetëm për një mbledhje të Asamblesë. Mandati i dhënë për një

mbledhje të Asamblesë është i vlefshëm për mbledhjet e tjera, që thirren si vazhdim i së parës dhe me të njëjtin rend dite.

14.4. Në mbledhjet e Asamblesë ose në konsultimet me shkrim vendimet merren nga një ose disa ortakë që përfaqësojnë më shumë se gjysmën e pjesëve të kapitalit themeltar. Në rast se nuk sigurohet kjo shumicë, ortakët konsultohen për herë të dytë dhe vendimet merren me shumicën e votave të dhëna, pavarësisht nga përqindja e kapitalit që ato përfaqësojnë.

Neni 15

Zhvillimi i mbledhjes së Asamblesë së Ortakëve

15.1. Asambleja e Ortakëve i zhvillon mbledhjet ne seline e Shoqerise ose ne nje vend tjetër te caktuar nga vete Ortakët.

15.2. Asambleja mbledhet ne menyre te rregullt jo me pak se dy herë në vit, dhe njëra prej mbledhjeve zhvillohet brenda nje afati prej 6 muajsh nga dita e mbylljes se vitit financiar. Asambleja mund te thirret ne çdo kohe me kerkesen e:

a. nje apo disa ortakeve qe perfaqesojne jo më pak se 5% te kuotave te kapitalit themeltar,

b. ekspertit kontabel te autorizuar. Përpara se të thërresë Asamblenë, eksperti kontabël i autorizuar njofton administratorin me letër rekomande.;

c. te administratorit. Në qoftë se janë disa administratorë, e drejta e thirrjes së Asamblesë mund t'i besohet ose secilit administrator ose të gjithë administratorëve që të veprojnë bashkarisht.;

d. te likujduesit.

15.3. Administratori iu njofton me leter rekomande, te gjithë ortakeve mbledhjen e Asamblese, te pakten 15 dite perpara mbledhjes. Lajmerimi permban daten, adresen dhe rendin e dites se mbledhjes. Duke filluar nga data e komunikimit, çdo ortak ka të drejtë të paraqesë pyetje me shkrim, të cilave Administratori duhet t'u përgjigjet në mbledhjen e Asamblesë së Ortakëve.

15.4. Kur Administratori ose eksperti kontabël i autorizuar kanë refuzuar të mbledhin Asamblenë, secili nga Ortakët mund t'i drejtohet Gjykatës për caktimin e një mandatmbajtësi të ngarkuar për thirrjen e Asamblesë së Ortakëve.

15.5. Asambleja drejtohet nga Administratori ose nga Ortaku që zotëron ose përfaqëson numrin më të madh të pjesëve të Kapitalit. Nëqoftëse dy Ortakë zotërojnë të njëjtin numër pjesësh, drejtimi i mbledhjes bëhet nga Ortaku më i moshuar. Kompetencat, te drejtat dhe detyrimet e Kryetarit të Asamblesë ndaj Shoqerise, rregullohen ne aktin e emerimit të tij.

15.6. Kryetari i Asamblese emeron nje person fizik, ortak ose jo, ne postin e sekretarit. Sekretari mban proces-verbalin e mbledhjes, i cili firmoset nga te gjithë ortakët e pranishem ne mbledhje.

15.7. Proçes-verbali i mbledhjes së Asamblesë së Ortakëve do te permbaje sa me poshte vijon:

a. Datën dhe vendin e zhvillimit të mbledhjes;

b. Menyren e njoftimit;

c. Kryetarin e Asamblesë dhe Sekretarin;

d. Rendin e dites;

e. Numrin dhe emrat e pjesëmarrësve;

f. Raportet dhe dokumentet qe jane paraqitur ne mbledhje;

g. Permbledhjen e diskutimeve të zhvilluara;

- h. Numrin e votave bazuar në pjesët e Kapitalit Themeltar;
- i. Tekstet e projekt-vendimeve të votuar, ata të miratuar dhe ata të hedhur poshte nga Ortakët.

15.8. Votimi kryhet i veçantë për çdo projektvendim dhe nëqoftëse një projektvendim përmban shumë çështje që secila mund të kërkojë një votim të veçantë, atëherë çdo ortak mund të kërkojë ndarjen e projektvendimit në disa projektvendime të veçantë.

15.9. Votimi është në parim i hapur, por mënyra e votimit përcaktohet në marrëveshje ndërmjet ortakëve. Me kerkese të një ose disa ortakëve që përfaqësojnë me shume se gjysmen e pjeseve të kapitalit, votimi zhvillohet i fshehtë.

15.10. Të gjitha vendimet e shoqërisë regjistrohen në një libër të veçantë që mbahet në selinë e Shoqërisë, i cili duhet të jetë i numërtuar dhe i vulosur.

Neni 16 **Kompetencat e Asamblesë së Ortakëve**

16.1. Janë në kompetencën ekskluzive të Asamblesë së Ortakëve marrja e vendimeve për sa i përket:

- a. ndryshimit të Statutit;
- b. riorganizimi i shoqërisë, ndarja, bashkimi, likuidimi;
- c. linjat baze për zhvillimin e aktivitetit të Shoqërisë;
- d. zmadhimi, zvogelimi i kapitalit, transferimi i pjeseve të kapitalit themeltar tek të tretët, si dhe blerjen e pjeseve të kapitalit themeltar nga vete shoqëria me qëllim anulimin e tyre;
- e. miratimi i llogarive, raportit vjetor, inventaret, raporti i eksperteve kontabel të autorizuar;
- f. hapja e filialeve, degeve apo zyrave të reja;
- g. marrja hua, lenia peng apo çdo barre tjetër siguroese;
- h. hapja e një aktiviteti të ri ekonomik;
- i. emerimi dhe shkarkimi i Kryetarit të Asamblesë;
- j. emerimi dhe shkarkimi i Administratorit;
- k. emerimi dhe shkarkimi i eksperteve kontabel të autorizuar;
- l. blerja e pasurive të paluajtshme;
- m. blerja e aksioneve, certifikatave apo titujve të shoqërive të tjera tregtare, apo e çdo lloj instrumenti financiar;
- n. Prishjen e shoqërisë në rast se humbjet janë më të mëdha se gjysma e kapitalit;
- o. Shnderimin e Shoqërisë në një formë tjetër;
- p. si dhe të gjitha kompetencat e tjera që ligji dhe/ose ky Statut i japin shprehimisht Asamblesë.

NENI 17 **Administratori i Shoqërisë**

17.1. Shoqëria administrohet nga 1(një) Administrator, person fizikë që mund të jetë ose jo ortak të Shoqërisë.

Administrator i shoqërisë do të jetë **Z. Klajd Mulhaxhia me nr ID I 60807051 B**

.

17.2. Administratori është i detyruar të drejtojë Shoqërinë "**Express Alb 24**" Sh.p.k. në përputhje me ligjin « Për tregtarët dhe Shoqëritë Tregtare », këtë Statut, vendimet e Asamblesë së Ortakëve dhe sipas dispozitave të tjera ligjore në fuqi.

17.3. Në rastet kur Administratori është Ortak i Shoqërisë "**Express Alb 24**" Sh.p.k. në baze të nenit 5 të Kodit Shqiptar të Punes, detyra e Administratorit nuk do të regullohet nga kontrata e punes.

17.4. Administratori i Shoqërisë "**Express Alb 24**" Sh.p.k. një herë në tre muaj, duhet t'i paraqesë Asamblesë së Ortakëve, për kontroll dhe verifikim, raportin mbi administrimin e Shoqërisë.

17.5. Administratori i Shoqërisë "**Express Alb 24**" Sh.p.k. brenda tre muajve nga mbyllja e vitit financiar të Shoqërisë, duhet t'i paraqesë Asamblesë së Ortakëve për kontroll dhe verifikim, raportin financiar vjetor dhe bilancin e Shoqërisë.

17.6. Administratori përgatit gjithashtu edhe raportin e administrimit për gjendjen e shoqërisë gjatë vitit financiar të kaluar, ndryshimet e parashikuara për të ardhmen, ngjarjet më të rëndësishme që kanë ndodhur gjatë periudhës nga data e mbylljes së vitit financiar deri në datën e hartimit të këtij raporti.

17.7. Administratori duhet t'i transmetojë Asamblesë së Ortakëve të gjithë korrespondencën e mbajtur me Ekspertet Kontabel të Autorizuar të Shoqërisë.

NENI 18

Emërimi dhe shkarkimi i Administratorit

18.1. Administratori i Shoqërisë emërohet dhe shkarkohet nga Asambleja e Ortakëve, si dhe do të qendrojë në detyrë për një periudhë **5 (pese) vjeçare**.

18.2. Kohëzgjatja e mandatit të Administratorit mund të përcaktohet nga Ortakët sa herë që bëhet emërimi i Administratorit dhe do të parashikohet në aktin e emërimit. Në mbarim të afatit të parashikuar, Administratori mund të riemërohet. Në mungesë të parashikimeve kohore në aktin e emërimit, Administratori do të ushtrojë detyrat e tij për të gjithë periudhën e aktivitetit të Shoqërisë.

18.3. Administratori i Shoqërisë "**Express Alb 24**" Sh.p.k. mund të shkarkohet para perfundimit të mandatit në rastet e mëposhtme:

a. Nëse është shpallur fajtor me vendim të formës së prerë të gjykatës për kryerjen e një veprë penale që ka lidhje me veprimtarinë ekonomiko-financiare;

b. Nëse vërtetohet se ka shpërdoruar fondet e Shoqërisë;

c. Në rast se me vendim të gjykatës kompetente i është kufizuar apo hequr zotesia për të vepruar;

d. Nëse është ndaluar për të administruar dhe drejtuar shoqëritë;

e. Në çdo rast tjetër që pengon në mënyrë të zgjatur Administratorin të kryejë funksionet e tij;

f. Si dhe për çdo arsye të drejtë që vlerësohet nga Asambleja e Ortakëve.

18.5. Konsiderohet arsye e drejtë për shkarkimin e Administratorit:

a. refuzimi i vazhdueshëm i Administratorit për t'iu nënshtruar rregullave të ligjit dhe dispozitave të Statutit lidhur me miratimin vjetor të llogarive dhe me të drejtën e ortakëve për t'u informuar;

b. administrimi i keq financiar i Shoqërisë "**Express Alb 24**" Sh.p.k;

c. pavarësisht nga gabimet e Administratorit, do të konsiderohet arsye e drejtë për shkarkimin e Administratorit fakti i humbjes së besimit dhe marrëdhëniet jo të mira me Ortakët, bankierët dhe Administratën publike;

d. Administratori ka ndjekur një politikë personale në administrimin e Shoqërisë dhe nuk ka pranuar sugjerimet e vazhdueshme të Ortakëve për mirëadministrimin e Shoqërisë.

18.6. Me kërkesë Ortakut të Shoqërisë "**Express Alb 24**" Sh.p.k. Administratori mund të shkarkohet nga Gjykata për shkelje të ligjit ose të Statutit.

18.7. Efektet e Vendimit për shkarkimin e Administratorit fillojnë nga data e marrjes së tij dhe vendimi nuk mund të ketë fuqi prapavepruese.

NENI 19 Dorëheqja e Administratorit

19.1. Administratori qoftë Ortak ose jo, mundet në çdo kohë të japë dorëheqjen, por nëse dorëheqja bëhet pa arsye të drejtë, Shoqëria "**Express Alb 24**" Sh.p.k mund të kërkojë dëmshpërblim financiar në masën që është dëmtuar nga kjo dorëheqje.

19.2. Administratori që kërkon të japë dorëheqjen duhet të njoftojë me letër rekomande me kthim përgjigje Administratorët e tjerë si dhe të gjithë Ortakët.

19.3. Njoftimi i dorëheqjes e bën dorëheqjen përfundimtare dhe Administratori nuk mund të rimarrë funksionet e tij.

NENI 20 Kompetencat e Administratorit

20.1. Administratori ka të gjitha kompetencat për të kryer të gjitha veprimet në emër dhe për interes të Shoqërisë "**Express Alb 24**" Sh.p.k me përjashtim të atyre kompetencave që ligji dhe/ose ky Statut i japin shprehimisht Asamblesë së Ortakëve.

20.2. Administratori ka të drejtë të përfaqësojë Shoqërinë para të tretëve dhe të gjitha vendimet manaxheriale të Shoqërisë "**Express Alb 24**" Sh.p.k duhet të nënshkruhen të pakten nga Administratori.

20.3. Asambleja e Ortakëve mund t'i japë autorizim paraprak Administratorit për kryerjen e operacioneve të caktuara ose lidhjen e kontratave të cilat konsiderohen tepër të rëndësishme për Shoqërinë.

20.4. Megjithatë, pa përjashtuar masa të tjera më të detajuara dhe rregullore të brendshme të Shoqërisë, veprimet dhe kompetencat e mëposhtme Administratori mund t'i kryejë vetëm me autorizim paraprak të Asamblesë së Ortakëve:

- a) përcaktimi dhe ndryshimi i programit të veprimtarisë afatshkurtër, afatmesëm dhe afatgjatë të Shoqërisë "**Express Alb 24**" Sh.p.k ;
- b) kryerja e investimeve dhe financimeve për vitin financiar si dhe veprimet apo operacionet e tjera që do të kërkonin ndryshimin e buxhetit fillestar të Shoqërisë;
- c) hapja e veprimtarive ose e njësive të reja, shkrija ose bashkimi dhe mbyllja tërësisht a pjesërisht e veprimtarive dhe njësive të Shoqërisë;
- d) blerja, shkëmbimi dhe shitja e pasurive që përbëjnë aktivin e qëndrueshëm të Shoqërisë;
- e) themelimi nga ana e Shoqërisë "**Express Alb 24**" Sh.p.k të shoqërive ose pjesëmarrja në shoqëri të tjera të krijuara, ose për t'u krijuar;
- f) marrja e huave afatmesme, afatgjata, dhënia e dorëzanive ose e garancive të tjera, kur këto të fundit tejkalojnë veprimtarinë e zakonshme të Shoqërisë;
- g) përcaktimi i kriterëve për diskutimin, përfundimin dhe ndryshimin e kontratës së punësimit me punonjësit;
- h) si dhe ato vendime ose masa që e kapërcejnë veprimtarinë e zakonshme të Shoqërisë dhe që janë të tilla që mund të sjellin ndryshime në objektin e Shoqërisë.

20.5. Administratori mund të delegojë një pjesë të kompetencave të tij, që ai i gjykon të dobishme tek një ose disa persona të tjerë që kryejnë funksione teknike në aktivitetin e Shoqërisë.

20.6. Administratori mund t'u delegojë personave të tjerë ortakë ose jo, disa nga kompetencat e tij për ushtrimin e funksioneve të veçanta. Administratori nuk mund të delegojë tërësinë e kompetencave të tij.

NENI 21

Administrimi i Shoqërisë nga disa Administratorë

21.1. Asambleja e Ortakëve në çdo moment, mund të vendosë që Administrimi i Shoqërisë "**Express Alb 24**" Sh.p.k të kryhet nga disa Administratorë.

21.2. Ne kete rast, maredheniet midis administratoreve, kompetencat, te drejtat dhe detyrimet e secilit mund të rregullohen ne rregullore të veçantë ose të parashikohen në vendimin e Asamblesë së Ortakëve.

21.3. Asambleja e Ortakëve mund te kufizojë kompetencat dhe te drejtat e secilit Administrator dhe/ose te vendose qe ata te ushtrojne kompetencat e tyre me vendime te perbashketa dhe te drejte firme te perbashket ose secili prej Administratorëve të ketë kompetenca të veçanta.

NENI 22

Pergjegjesitë e Administratorit

22.1. Në marrëdhënie me të tretët, Administratori është përfaqësuesi ligjor i Shoqërisë "**Express Alb 24**" Sh.p.k

22.2. Çdo ortak joadministrator ka të drejtë dy herë në vit t'i paraqesë me shkrim Administratorit disa pyetje për ato probleme që mendon se përbëjnë shqetësim për veprimtarinë e shoqërisë. Për pyetjet e bëra Administratori është i detyruar t'i përgjigjet me shkrim.

22.3. Shoqëria merr përsipër detyrimet që rrjedhin nga veprimet e administrimit të Shoqërisë të kryera nga Administratori edhe kur këto veprime nuk përfshihen në objektin e shoqërisë. Shoqëria "Express Alb 24" Sh.p.k nuk merr përsipër pasojat ndaj të tretëve kur ajo provon se të tretët e dinin që akti i Administratorit e kalonte objektin e Shoqërisë ose kur të tretët nuk mund ta injoronin këtë fakt në rrethanat e krijuara.

22.4. Administratori është përgjegjës individualisht ndaj Shoqërisë apo të tretëve për:

- a. shkelje të ligjeve;
- b. për shkelje të Statutit, apo
- c. për faje të kryera gjatë administrimit të Shoqërisë.

IV. VITI FINANCIAR, LLOGARITE VJETORE, NDARJA E FITIMIT

NENI 23

Viti Financiar

24.1. Çdo vit financiar fillon me 1 Janar dhe përfundon me 31 Dhjetor dhe përputhet me vitin kalendarik. Perjashtimisht viti i parë fillon në ditën e regjistrimit në Regjistrin Tregtar të Gjykatës dhe përfundon në 31 dhjetor.

NENI 24

Llogarite Vjetore

25.1. Me mbylljen e vitit financiar, administratori i shoqërisë bën inventarin dhe llogarite vjetore në përputhje me legjislacionin mbi kontabilitetin.

25.2. Miratimi i dokumenteve mbi veprimtarinë vjetore të shoqërisë bëhet nga Asambleja e Ortakëve brenda një afati prej 6 muajsh nga dita e mbylljes së vitit financiar.

NENI 25

Fitimi

26.1. Fitimi ose kur është rasti humbja e ushtrimit financiar përcaktohet nga diferenca midis të ardhurave dhe shpenzimeve të ushtrimit, në pajtim me rregullat e parashikuara në legjislacionin mbi kontabilitetin.

26.2. Fitimi i ushtrimit mund të destinohet për të krijuar e plotësuar rezervat e shoqërisë ose për t'ju shpërndarë ortakëve.

26.3. Në rastin e një humbjeje Asambleja që miraton llogarite duhet të vendosë për mbulimin e humbjes.

NENI 26

Rezervat

27.1. Rezerva e domosdoshme nuk mund te perdoret as per tju shperndare ortakeve as per shlyerjen apo riblerjen e pjeseve nga shoqeria.

27.2. Ajo perdoret ne rastin e humbjeve kur keto humbje nuk mund te mbuloohen (thithen) nga rezerva te tjera.

27.3. Ne rastin kur shoqeria nuk ka te mbartura humbje nga ushtrimet e meparshme masa e fitimeve mbi te cilen llogaritet rezerva e domosdoshme eshte shuma e fitimit te ushtrimit financiar te mbyllur.

27.4. Ne rastin kur shoqeria ka te mbartura humbje nga ushtrimet e meparshme masa e fitimeve mbi te cilen llogaritet rezerva e domosdoshme eshte shuma e fitimeve te mbetura pas zbritjes se humbjeve te mbartura.

27.5. Heqja nga fitimet per krijimin e rezerves ose per te ushqyer rezerven e domosdoshme eshte te pakten 1/20 e mases se fitimeve. Kjo heqje nuk eshte e detyrueshme kur rezerva e domosdoshme arrin 1/10 e kapitalit themeltar.

NENI 27 **Shperndarja e Fitimit**

28.1. Fitimi qe do te shperndahet perbehet nga fitimi i ushtrimit perkates te cilit:

- a. i zbriten humbjet e mbartura dhe shumat qe hiqen per rezervat
- b. i shtohen fitimet e mbartura.

28.2. Fitimet ndahen ndermjet ortakeve ne perputhje me perqindjen e kapitalit themeltar qe ka secili ortak.

NENI 28 **Dividentet**

29.1. Asambleja e pergjithshme mund te vendose shperndarjen e dividendeve vetem pasi:

- a. nga njera ane te kete miratuar llogarite vjetore;
- b. nga ana tjeter te kete percaktuar shumen qe do te shperndahet.

NENI 29 **Paradheniet per dividendet**

30.1. Paradhenie per dividente jane shumat qe u jepen ortakeve perpara miratimit te llogarive vjetore dhe caktimit nga asambleja te dividendit perfundimtar. Keto paradhenie jane te ligjshme, por duke respektuar kerkesat ligjit "Per tregtaret dhe shoqerite tregtare" dhe konkretisht me kusht qe :

- a. shoqeria vec rezerves se domosdoshme e kete ne dispozicion rezerva me nje shume te pakten te njejte me paradheniet e shperndara, ose qe nje raport vertetimi i bere nga nje ekspert kontabel i autorizuar te beje fitime neto me te medha se shuma e paradhenieve.
- b. shperndarja e paradhenieve duhet te vendoset nga administratori i cili duhet te caktojte edhe daten e kthimit.

NENI 30 **Vendimi per humbjet**

31.1. Ne rastin kur rezultati i ushtrimit te mbyllur eshte humbje, asambleja e pergjithshme mund te vendose:

- a. ose mbartjen e kesaj humbjeje ne ushtrimin e ardhshem, duke kaluar ne nje llogari te vecante "humbje te mbartura"
- b. ose pastrimin e saj nga rezervat, duke perfshire edhe rezerven e domsdoshme.

31.2. Vetem kur humbjet e mbartura te jene pastruar teresisht mund te rifilloje shperndarja e fitimeve.

NENI 31 **Detyrimi per te perballuar humbjet**

Detyrimi per te perballuar humbjet eshte perpjestimor me kontributet e seicilit ortak.

Cdo marreveshje qe parashikon perjashtimin e nje ortaku nga perballimi i humbjeve eshte i pavlefshem.

Nese shoqeria priset dhe vihet ne likuidim, atehere likuidatori eshte i detyruar te shlyeje te paret kreditoret e saj.

NENI 32 **Publikimi**

33.1. Cilido qofte vendimi i marre nga ortaket, prishje apo vazhdimi i shoqerise, ai duhet te publikohet ne nje gazete te autorizuar per publikime ligjore dhe te regjistrohesh ne regjistrin tregtar.

NENI 33 **Bilanci**

34.1. Bilanci vjetor i shoqerise nxirret brenda 31 Marsit te vitit pasardhes.

V. PRISHJA E SHOQERISE DHE LIKUIDIMI

NENI 34 **Humbja e gjysmes se kapitalit.**

35.1. Ne rast se kapitalet e veta te shoqerise per shkak te humbjeve te konstatuara ne dokumentet kontabel rezultojne me te uleta se gjysma e kapitalit themeltar, atehere konsultimi i ortakeve eshte i detyrueshem.

35.2. Ortaket duhet te vendosin, mbi mundesine e prishjes se shoqerise brenda 4 muajve nga data e miratimit te llogarive qe pasqyrojne kete humbje. Megjithate edhe konsultimi me shkrim midis ortakeve nuk perjashtohet.

35.3. Vendimi merret ne te njejten menyre si per kryerjen e ndryshimeve ne statut.

NENI 35 **Rregullimi i gjendjes**

36.1. Neqofte se ortakët kanë vendosur ta mbajnë shoqërinë atëherë ata kanë një afat prej një viti nga data e mbylljes së ushtrimit kur është konstatuar gjysma e humbjes së kapitalit për të plotësuar kapitalin e vetë.

36.2. Neqoftese plotësimi i kapitaleve të vetë nuk arrihet atëherë shoqëria duhet të procedojë në zvogëlimin e kapitalit në një vlerë jo më të vogël se ajo e humbjeve që kanë mbetur të pambuluara nga rezervat.

NENI 36 **Likuidimi**

37.1. Shoqëria priset me vendim të Asamblesë me unanimitet dhe në përputhje me dispozitat ligjore që veprojnë në Republikën e Shqipërisë.

ORTAKËT E SHOQËRISË

Klajd Mulhaxhia

Bledar Sulejmani

Ervin Shameti

Florinda Luma